

671.1117
085
13

三河縣新志

傅增湘書



三河縣新志
十六卷

李錦熙題

三河新志序

三河舊有志由清乾隆二十五年至今百七十
餘年未能續修民四馬維離炳南由南洋歸
國駐新武居度分昭徑緯製成新圖精細繪
刊邦人士人手一幅全縣區域河流瞭如指掌是在
舊志中動然見新萌芽怒生笑然不過疆域一
郭份而已目國體變更剪髮放足選舉校粟以

及廢舉有該議員廢考試立學校一切行政司法黨務自治局前清舊政迥乎不同駸乎非舊情新志不可是以省府當局嚴令通飭各縣籌款設局延攬人材督令刻期竣事此亦各縣志之一大革命時期也孔子曰文獻不足故也足則吾能徵之矣朱子解之曰文典籍也獻賢也此二者皆情志時所急需所必需缺一不可者也三河經曹任蘇

任兩縣長虛心延訪招致賢材聘請縣西舉
人吳先生寶銘心齋縣南拔貢周先生鳳岡子
鳴縣東廩貢韓先生琛獻序縣西文生雷先
生發聲乃春同時主管其事期年而觀成
之數子者皆博學懿文歸然負一時之望逃名
匿迹天名一方時或求其足音而不可得今乃惠
然肯來同肩斯任合本縣新舊典藉而釐定

之美哉煥乎成一巨觀詩曰風雨以晦雞鳴不已既
見君子云胡不喜三河縣志可謂慶得人矣吾師
新城先生有言國無史則國亡史無文則史亦
亡若夫乘楚之檣杙魯之春秋皆史也而乘與
檣杙不能與春秋並傳者天與不天之故也三河縣
志不敢上擬古人而其理則一乎實位三河自民
元一月一日蒞任至五年七月交割中間調順義

三年在三河任都一百二十五閏月心齋先生予曾
手編其詩而序之又聘充理財所長堅辭不就
子端清操猶潔與予為丁酉同年獻亭乃春
敦行勵學文章樸茂為兒輩業師炳南各
曾函見門皆予在任時所奉以為國人矜式者
也是故三河新志予雖未及全體寓目然以數
君者囊之董之皆歐陽子所稱蓄道德能文

唐之君不唐敢斷然信其有典有則足以信往
今而傳於後無疑也民國二十三年七月一日於平
憲兵司令部秘書長前住三河縣長唐玉書

謹序



續修三河縣志序

三河縣志設自唐初以地臨洶洶鮑邱三水得名清屬順天府
民元以還隸京兆尹號畿東重地至民國十七年國都南遷改
隸河北省版圖余以二十二年仲夏來宰是邑當北平軍事之
後民衆流離四郊多壘收拾撫循鮮有暇晷迨秩序大定乃思
搜求舊志俾周知地方利病以爲敷治之助而縣志自乾隆二
十五年縣令陳公景重修之後百餘年來闕焉無聞時勢推移
滄桑遞變一邑之風物典章將有文獻無徵之懼適地方士紳
有重修縣志之請於是開局延吳孝廉寶銘韓紳琛劉紳丞漢
爲正副主任任其任纂修調查者悉皆一時碩學之士精研博採
摛藻擷華賴諸紳之努力凡十閱月而書成余也學殖膚淺當

茲世變日亟中獲繼前賢陳公之後成此二百年來未有之盛
典固余之幸亦余之職也顧或者謂處此維新之世而有復古
之舉未爲識時究非探本之論夫縣之有志猶國之有史國而
無史則文明亦等於狝野縣而無志則開化將淪於蕪穢故政
治雖復日新而古今來之文物聲名關乎世運之隆替有足深
爲寶惜者矧三河自昔爲畿輔要區密邇首善者乎是役也殆
亦抱殘守闕之遺意焉耳是爲序

中華民國二十三年五月三河縣縣長常熟曹楨撰

志者誌也所以昭法戒於來茲史之屬也其體互異而其要不外韓子春秋謹嚴一語史不易言修志豈易言修哉史則考同辨異理取發明志則傳後信今辭尙體要原無事麗藻鋪張炫奇博爲紀乘光已也甲戌夏余奉令調署三河接篆後延禮諸紳士與襄理邑政諸君子詢以斯時斯邑興革損益之宜兢兢焉誠恐隕越遺羞以速官謗幸蒙不棄肫然皆有以匡余不逮且僉謂前縣長曹公尤以續修邑志未訖屬望報最於我公爲至切也余旣承乏茲土責不容辭續貉之誚奚恤因詳閱此次續修之凡例與其所編輯見夫其文簡以該其事覈以括其運用無乖大雅悉信而有徵於韓子春秋謹嚴一語其殆庶幾焉抑余尤有說者修史原屬異代事筆削有權可誅權奸於旣死

修志每多現時事尊親有諱只發潛德之幽光亦時勢然也嗚呼三長兼具代有其人子將月旦徒逞褒譏之談呂氏春秋奚取掇拾之簡謹嚴二字誠戛戛乎難哉考之三河舊志自明末始至清乾隆間經邑侯陳公昶重修後失修幾二百年今一旦告厥成書皆前縣長曹公不以兵燹迭經視爲緩圖與編輯諸君之力若余也雖妄參未議於什一未嘗稍易始訂之體例後之閱斯志者勿以告竣書成於余謬推爲與有勞焉則幸甚志成諸邑紳囑序於余不敢以無文辭爰記其顛末而書其梗概若夫三邑爲前清畿東重鎮列爲衝繁難缺民國軍興爲更有甚深有望於諸君指示愚昧而交儆夫余庶免得罪於邦人百姓不止修志例得列名之榮也是爲序

中華民國二十四年

月 日

遼寧蘇士俊序於三河縣政府

三河縣新志序

志也者述古昔昭來茲也然非有道之士本於心之所得衷於心之所安不足以信後况中斷百七十餘年豈易言乎孔子之修春秋斷自隱公蓋闕疑耳筆則筆削則削游夏不能贊一辭猶曰知我罪我其惟春秋魯在當時爲諸侯百里之國今之縣而已後世縣俱有志或於春秋乎昉焉三河昔爲左輔離舊都百里而遙爲古者諸侯冠帶相望之地其典章文物流風餘韻綦足志焉况長山橫其北洵鮑邱諸水逶迤於其間山水之奧區則天地精英之所韞蓄於是建邦啓土以之興條教典禮因之起人物事功爲之繁嘉言懿行演之長上自政府下徹民廬因革損益時移事改俱足驗夫世道人心是惡可無志是惡

可無志考三河縣之有志遠在遼清乾隆二十五年事更七朝
國且易體時至今日欲上溯夫一百七十餘年之故實網羅而
筆之書易言乎哉是志之修倡始於常熟曹潤孚縣長楨任內
徵聘薦紳先生主之中經若干月予適自檀州量移而來而剖
劘以成志分爲四篇十有六立體謹嚴採集精到曹前任序曰
延吳孝廉寶銘韓紳琛劉紳承漢主其事其纂修以下皆一時
碩學之士蓋紀實也予疑夫一百七十餘年之間不知幾經喪
亂冊籍散失父老踵亡其不可得而知不可得而聞者殆不知
凡幾亦惟本於心之所得衷於心之所安而已是此數君者知
必皇皇然曰知我罪我其惟斯志也夫子又喜予之自檀州來
也與前志之鄭富民同鄭則前不見古艱難締創而修三河縣

志予則坐享其成從容瀏覽而讀三河縣新志後先輝映爲修
三河縣志者添一段佳話然予愧矣三河之人尙不以予爲陋
囑弁一言予亦喜受其成而得埒名焉亦予之幸也夫

合肥章維燮謹識

中華民國二十四年九月穀旦

三河續修縣志序

修志如修史也必具三長方能操筆削之權才也學也識也缺一不可也無才則筆無雄健之姿無學則文無寬博之勢無識則斷制筆削無能抉摘幽隱平衡允當其能免劉氏知幾之譏者蓋鮮修國史然修郡縣志亦然求其兼具三長在有清一代羣推康氏武功縣志王氏鄆縣志陸清獻靈壽縣志爲最若夫鋪張揚厲高文典冊以爲才累牘連篇鎔經鑄史以爲學陽秋月日竊比麟經毫釐千里妄翻古人定論以爲識君子曰無足取焉矣寶銘不才寡學識見不超豈足言脩縣志獨此繼成先人續修縣志之心未嘗一日去諸懷寧爲有志竟成不爲有志未逮此邦人君子所共許者也當此兵凶戰危之時得曹縣尊